

## **3 Yonee** **Yoneeye to see bakadio hedebe di** **hogugu**

*3 Yonee booka goo eyo bei*

Yoneeye to hogugu hagee tei too odoo Gaiyus mapoo teneeso. Bei, Gaiyuseeye Godeeyo to eligimo silesibili odoo oso o mi mapoo sibume, yayo pidi goo ee dume. Osoloso sosee wiligi odoo taba Diotelepes mapoo yayo gowe to hamapoo hoguguso. Bei, odoo hagooso Godeeyo to eligimo silesibili odoo pidilei gowolone odoo aboso diba pidiyaga hamaga takeliso.

<sup>1</sup> Ayo gooma odoo Gaiyus, tei telaga odoowo namawe ayo no diya gweli namapoo to hogugu hagee ka tonowa.

<sup>2</sup> Ayo gooma odoo, a tei toso, no pailega medee tekepo bado malaiso. Esino ayo no halo dokodoo takooso, nayo goo susuga ee ma kulodu medee tekepo badalame. Esino a gooleedooso, no tei too ee ma kulodu tekepo badoso. <sup>3</sup> Osoloso tei telaga odoo emegei aboso sibilesi, nayo tei goo mapoo kibiya kookoodoloso osee dodomolo goo ee takeme duloso, a diya goomogaso. <sup>4</sup> Esiga goo abo toowa oso amapoo goomoga toowa koo teneli. Esino mo awe diayo tei goo ee deedeega ogoloso, a diya goomegeliso.

<sup>5</sup> Ayo gooma odoo, nayo to tekepo eligimo silesibili odoo oso eligimo silone, nee mi mapoo odoo soo masi siboga, nayo egee pidi goo ee tekepo.

<sup>6</sup> Osoloso diayo sibilesa nayo sooloo dala goo sabolo bado goo ee ibada sosee hamapoo sibilesa takaso. Godeeyo to eligimo silesibili oso nee mi mapoo sibilesa see dilame doboome, diayo eli domopoo nalai nei dimapoo tenelone, Godeeye goomoga goo sabolo tobuloso tenee. <sup>7</sup> Bei, diba Keliso halo, tou tomo silesibulone, tei tele poogoo odo magaa bi koo teli. <sup>8</sup> Esiga Gaiyus no asalo diba medee pidilei tekepo. Iyo odo hagee bia pidiga, diayo to tekepo eligimo silesibili sabolo hedebe doloso dabalaiso.

<sup>9</sup> Osoloso ayo goo hamaga sosee omapoo to hoguguloso olo teneeso. Esino Diotelepeseeye to ee dulososo mesile. Bei, nima kulodu sosee mapoo yayo wiligi doloso badalame diya goomogaso. <sup>10</sup> Esiga ayo siboga, yayo goo tokenee teli sabolo osoloso ibada goo magaa gamenee taka goo ee woola yiligebigileiso. Osoloso yo goo hedebe egee moodele. Esino yayo Godeeyo to eligimo silesibili o mi mapoo siboga, hamaga takeliso. Osoloso see sosee odo oso Godeeyo to eligimo silesibili odo ee pidiyaga, yayo hamaga takeliso. Esino ee ma kulodu yayo taka tei telega poogoloso, sosee odo abo oso Godeeyo to eligimo silesibili odo pidiga, yayo diba sosee magaa peegoo mageliso.

<sup>11</sup> Esiga ayo gooma odo, tokenee odo eyo goo ogoloso o goo ma malo na peedee. Esino goo tekepo hedebe ee temelee. Odo agayo goo tekepo ee tomologa, yo Godee sabolo hedebe doloso badoso. Esino odo agayo tokenee goo tomologa, yo Godee gooleedelee. <sup>12</sup> Esiga odo susuga oso Demetiliyus odo eyo goo tekepo deliso. Osoloso o suso tou too oso tei goo sabolo

tebiliso. Osoloso iba nosee yo tekepo odoo dee takeliso. Esiga no olo gooleedooso, iba tei goo hedebe ee takeli.

<sup>13</sup> Ayo namapoo goo abo takalai moloso. Esino wulo to hogugu oso namapoo takalai a koo goomogo. <sup>14</sup> A mawo namapoo sibilesa nobolo hodobo to kalai a goomogo.

<sup>15</sup> Esiga ayo dokodoo takooso, Godeeye namapoo mesie goo tenelame. Osoloso nee odoo diayo namapoo dibada emegei di to takaso. Esiga nei nayo ibada odoo omapoo egee do mapoo, ibada emegei di to dimapoo takee.

**Godeeyo To Tekepo**  
**Portions of the New Testament in the Odoodee**  
**language of Papua New Guinea**  
**Sampela hap Nupela Testamen long tokples Odoodee**  
copyright © 2006, 2015, 2017 Wycliffe Bible Translators, Inc.

Language: Odoodee

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-05

---

PDF generated using Haiola and XeLaTeX on 11 Nov 2022 from source files dated 9 Oct 2020

ffb0eddd-0f6e-5201-89ab-6fcbfcaebeba